

## XVIII

Lo ptét prīnce traivoiché l' djèrt èt ne trové qu' ènne çhoué. Ènne çhoué è trās pétâs, ènne çhoué de ran di tot...

- Bondjoué, dié lo ptét prīnce.
- Bondjoué, dié lai çhoué.
- Laivoù sont les hannes ? dmaindé pōyiment lo ptét prīnce.

Lai çhoué, ïn djoué, aivait vu péssaie ènne rotte de dgens :

- Les hannes ? Èl en éjichte, i crais, ché ou bīn sèpt. Î les aî vu è y' é des années. Mains an n' sait djmais laivoù les trovaie. L' oûr (*vent*) les promeune. Ès mainquant de raiceinnes, çoli les déraindge brâment.

- Aidue, fsé lo ptét prīnce.
- Aidue, dié lai çhoué.